

Kata' 1994, tawi Lanka Tamakxtumit xla Naciones Unidas ana' makatsininanka 9 xpapa' agosto Ixchichini' Ixtililanka Kakilhtamakú xlakán tachixkuwit matakuxtunanín xla Kakilhtamakú. Tipalhuwa tu xlakata la amá chuna' lilakkaxlaka, kaj watiyá nemá liwaj makwa akxni makanajilh Tamakxtumit xlakata taskiní Naciones Unidas tliweglil natatayá nak xalilakapulan xla xalitamakgtayan xawa xaligkawan xla lakgchanat xla tachixkuwit matakuxtunanín xlakata yaj nakalakgmakgankán, yaj limaxkganín nakalikxilhkán, yaj nakamakglhtikán xalakgmakgán ixtiyatkán xawa lata' tukuya ni likanajlan katlawanikanít xawa nemá latiyá katlawanimaka. Xawa lata' kamakgxtakgajnikanít tachixkuwit matakuxtunanín tatasanít nemá snun lilakgaputsa lata' minitancha' ixlatamat tachixkuwit.

Lata' ixtalipaw, xatamakatsinin amá chichini' wa' ixlikilhtsukut lanka talipawat wa': malakapiksilh Tamakxtumit nemá titaxtucha' akgyujni xla tamakatsinin nemá ixtalagkchanatkán tachixkuwit matakuxtunanín. Tamakatsinin wa' xalakapiksin xatalitlanit xla xlagkchanatkán tachixkuwit matakuxtunanín. Ana' lakatsukunit li'akpulanat xlakata pulatamat tlan nakaxtlawá la nakalitapakgán tachixkuwit matakuxtunanín. Wa' xakgantaxtún liwaka' akpuxám kata' talakchiwinat xawa masta talakaskín xlakata pulatamat xawa tachixkuwit matakuxtunanín katamatlanilh la natalipakgán, katalatatasúlujli xawa katamakgtákgalhli yaj kapaxtokgka litakgchakgxni xalamakgán. Kamakamajkán pulatamat nemá Tamakgpakgtanunit xawa tachixkuwit kalamakgachipalh, lakxtúm chixku katalatlawalh chu katamaklakaskilh tamakatsinin la akgtúm tamaklakaskín nemá makuán xlakata namakanajlikán xtililanka kakilhtamakú.

Xankgalh kalakapástakti pi 2008 Kata' Xtililanka Kakilhtamakú xla Tachiwín, ja'e Chichini' Xtililanka Kakilhtamakú xlakán Tachixkuwit Matakuxtunanín xalak kakilhtamakú namakgtúm kinkamalapakastakayán natalakpuwaná tu tapaxtokgmana tipalhuwa tachiwín ixtililanka kakilhtamakú, lata' ixlitipalhuwa wakg ixtachiwinkán tachixkuwit matakuxtunanín. Lata' talakgspatmana ja'e tachiwín tatlajima talaklhuwit talatamat xalak kakilhtamakú, nachuna' kintalakapastaknikán tamakxtumit. Kkakilhchaní Pulatamat, tachixkuwit matakuxtunanín, xla tachixkuwit. Xatamakxtumit xla Naciones Unidas chu wakg lata' tiku tamatlaní xlakata kamakgtakgalhkán xawa kamalhuwikán tachiwín nemá talakgspatmana xawa nalipawankán limaxtum makstuknit xlakata ni katalakgaputsit nakalakgchan ti tastakmanajkú.

Ban Ki-moon, Secretario General de Naciones Unidas

Tagchiwin xla Ixchichini' Ixtililanka Kakilhtamakú xlakán tachixkuwit matakuxtunanín , 2008.